




[Home](#) / [2025](#) / [October](#) /

East Meets West Techbridge 2025: UiTM Pahang dan HKU Tingkatkan Kolaborasi Akademik Rentas Sempadan

SINERGI

31/10/2025 / NOOR HALIMATUS SA'DIAH ISMAIL




Raub, 24 Oktober 2025 – Fakulti Sains Komputer dan Matematik (FSKM), Universiti Teknologi MARA (UiTM) Cawangan Pahang telah berjaya menganjurkan *Program Antarabangsa East Meets West Techbridge 2025: Online Webinar* pada 23 Oktober 2025 (Khamis) secara dalam talian melalui platform Google Meet. Program ini merupakan hasil kerjasama strategik bersama Faculty of Engineering, Hasan Kalyoncu University (HKU), Türkiye.

Program ini merupakan kesinambungan kepada inisiatif kolaboratif antarabangsa yang bertujuan memperkukuh jaringan akademik global antara UiTM dan HKU. Ia memberi ruang kepada ahli akademik kedua-dua institusi untuk berkongsi ilmu, membentangkan hasil penyelidikan serta bertukar

kepakaran dalam bidang Sains Komputer, Matematik dan Kejuruteraan.

Webinar ini menampilkan barisan penceramah dari UiTM dan HKU yang membentangkan projek inovasi dan penyelidikan terkini. Majlis turut diserikan dengan *Award Ceremony* bagi *East Meets West Coding Competition* yang telah berlangsung pada 21 Oktober 2025 (Selasa), menggunakan bahasa pengaturcaraan C++ sebagai medium utama. Pertandingan ini berjaya mencungkil kreativiti dan kemahiran penyelesaian masalah dalam kalangan pelajar dari kedua-dua institusi.



Majlis penutupan telah disempurnakan oleh Profesor Madya Dr. Nazirah binti Ramli, Timbalan Rektor Hal Ehwal Akademik, UiTM Cawangan Pahang dan Professor Dr. Hanifi Çanakçı, Dekan Faculty of Engineering, HKU. Dalam ucapannya, Dr. Nazirah menzahirkan penghargaan atas dedikasi dan komitmen kedua-dua pihak dalam menjayakan program ini.

“Inisiatif ini merupakan satu pencapaian penting dalam memperkukuh kerjasama akademik antara UiTM dan Hasan Kalyoncu University. Ia amat membanggakan apabila melihat bagaimana perkongsian ini terus berkembang, menghimpunkan pakar dan sarjana dari kedua-dua institusi untuk berkongsi ilmu, idea dan inovasi,” ujar beliau.

Program *East Meets West Techbridge 2025* diharap dapat membuka lebih banyak peluang kolaborasi dalam bidang akademik, penyelidikan dan inovasi global. Ia bukan sahaja menjadi jambatan ilmu antara dua institusi, malah simbol komitmen bersama dalam memperkasa pendidikan tinggi berteraskan kerjasama rentas sempadan.

UiTM terus membuktikan keupayaannya sebagai institusi yang proaktif dalam menghubungkan komuniti akademik antarabangsa, memperluas jaringan kepakaran dan melahirkan generasi ilmuwan

global yang kreatif, progresif dan berdaya saing.



Tags: [FAKULTI SAINS KOMPUTER DAN MATEMATIK \(FSKM\)](#), [Hasan Kalyoncu University \(HKU\)](#), [UiTM Cawangan Pahang](#), [Universiti Teknologi MARA \(UiTM\)](#)

UiTM Cawangan Selangor Sokong
Inisiatif Pemuliharaan Alam Sekitar
Melalui Program “Biodiversity
Conservation”

UiTM Pulau Pinang Perkasa Komuniti
Pendidikan Khas Melalui Latihan
Pembuatan Produk Hiliran
Berasaskan Cendawan

QUICK LINKS

[Ministry of Higher Education](#)
[Academic Calendar](#)
[Intake Calendar](#)
[Graduate Quick Search](#)
[Library](#)
[UiTM Holdings](#)
[WiFi UiTM](#)
[E-Complaint](#)

HUBUNGI KAMI

Universiti Teknologi MARA
(UiTM)
40450 Shah Alam, Selangor
Darul Ehsan
Malaysia

Tel: +603-5544 2051 / 2000

